

imbecillior est, quàm ut securè affirmet, quod affirmare debet, Aliqua spes est, non desperare aut diffidere,

v.7.

c. in vita ipsa. Hactenus enim vanitatem lætitiæ demonstravit in iis, quæ vitæ extrinsecus accidunt; ut sunt status & opes. Demonstrat autem vanitatem vitæ cum per se suavis, v.7.

v.8.

tum etiam longævæ & felicis, ex animo identidem subeunte recordatione temporis post mortem. v.8. Sive enim cogitetur melius seculum, præsentia non possunt nisi fastidium parere; sive cogitetur iudicium, aut necessaria amissio rerum ita jucundarum, omnia nullius erunt momenti ad animum exhilarandum. Nota, *Kim* pro particula adversativa capiendum: Verba autem sequentia potentialiter explicanda.

v.9.

d. in vitæ parte meliore & ad lætitiæ prosequendam accommodatiore: nim. juventute. Hic est

j. ironica concessio lætitiæ omnis prosequendæ, cupiditatisque explendæ, & iudicii oculorum sequendi, vers. 9.p.p.

ij. admonitio de

v.10.

l. cogitatione iudicii Dei habendi super omnibus cogitatis, dictis, factis. v. 9. ad evitacionem

aa. pœnitudinis in animo, scil. ob admissa peccata, omissa bona, vel tandem amissa jucunda ac nimis adamata in juventute. & *averte pro ut avertas*. similia Gen. 12:2. prov. 4:4. Jer. 6:16. &c. Emphasis est, quum non tam præmium vel pœna, fructus vel damnum denunciatur indicandi modo, quàm affectus consentaneus circa illa per paternam quandam sollicitudinem excitatur formulâ imperandi,

bb. doloris in corpore, hoc est, morborum & similibus malorum, quibus juvenilis lascivia castigari solet. Confirmatio ducitur à juventutis vanitate; quam cum aurora exoriente comparat, v. 10. Ut enim rosei illius & purpurei luminis amœnitas statim evanescit & in flammam ferè ac intolerabilem oculis splendorem vertitur; ita juventutis dulcedo citò abit & in ærumnosam virilitatem atque imbecille senium commutatur. Cur *schachariûth* aliter vertam, nec causa, nec exemplum suadet.

C.XII.

v.1.

ll. meliore vitæ parte Deo creatori per gratum obsequium offerenda & consecranda. *Memento creatoris tui, hoc est,*